



# DOMOWINA

## Jadnański pórěd Zwězkowego pśedsedařstwa Domowiny za wólbnu dobu 2021-2025

### § 1

#### Powšykne zasady žělabnosći

1. Zwězkowe pśedsedařstwo Domowiny nawjeduju žělo kšywowego zwězka mjazy głownymi zgromažinami.
2. Zestawa, nadawki a kompetence zwězkowego pśedsedařstwa ředuju artikel 9, wótrězki 1 - 8 wustawkow Domowiny.
3. Zwězkowe pśedsedařstwo społnijo swóje nadawki z
  - pórědnymi a wurědnymi pósejženjami,
  - žělom prezidiuma pó §10 toś togo pórěda,
  - analytiskim a koncepcionelnym pśedžělom žělowych wuběrkow a kupkow,
  - koordinaciju a integraciju celonarodnego žěla we wótgłosowanju z pśedsedařstwami člonkojskich župow a towaristwow a z drugimi zwězkarjami,
  - statkowanim kuždego jednotliwego člonka zwězkowego pśedsedařstwa w swójom towaristwje a w zjawnosći,
  - aktiwnym zjawnostnym žělom wó zaměrach kšywowego zwězka a wó połoženju a zajmach serbskego luda.
4. Zwězkowe pśedsedařstwo zmakajo se pó artiklu 9, dypk 7 wustawkow Domowiny nanejmenjej styri raze wob lěto. Mimo togo zwoła se kužde lěto klawturne pósejženje. K tomu se lětny plan žělabnosći nastajijo, kótaryž mimo terminow teke městnosć a wopšimješowe šěžyšća pósejženjow póstajijo.

### § 2

#### Nadawki zwězkowego pśedsedařstwa

1. Zwězkowe pśedsedařstwo ma pó artiklu 9 dypki 4 do 6 wustawkow Domowiny slědujuce nadawki:
  - a. rozsuziś wó pšaňanjach běžnego žěla Domowiny mjazy głownyma zgromažinomama,
  - b. póstajis šěžyšća žělabnosći a ředowaś zawězujuce zagronitosći za zwopšawdnjenje nadawkow,
  - c. pšawidlownje pšiwześ rozpšawy pśedsedařa a prezidiuma Domowiny,
  - d. póstajis zagronitosći a nadawki prezidiuma,

- e. ředowaš wobsejženstwo a finance Domowiny, pšiwzeš a schwališ financne a góspodařske plany a rozpšawy, wutwóriš žělowe wuběrki,
- f. wutwóriš žělowe wuběrki,
- g. pšiwzeš rozpšawy głowneje jadnaŕki wó žěle zastojnstwa Domowiny a póstajiš šěžyšća žěla zastojnstwa,
- h. póstajiš šěžyšća žělabnosći Domowinje pšisłušajucych institucijow a wótrědow,
- i. pšiwzeš rozpšawy wjednikow Domowinje pšisłušajucych institucijow a wótrědow,
- j. nachylnje pšiwzeš nowe towaristwa do Domowiny,
- k. nachylnje rozsužiš wó nosařstwach dalšnych institucijow abo wótzělenjow pód kšywom Domowiny,
- l. pówołaš a wótwołaš resp. nominěrowaš zastupjarjow Serbow do/z gremijow a pšawidlownje pšiwzeš rozpšawy wó jich žělabnosći,
- m. wobzamknuš žělowe pórědy Domowinskego zastojnstwa a Domowinje pšisłušajucych institucijow a wótrědow,
- n. pówołaš a wótwołaš wjednikow Domowinje pšisłušajucych institucijow a wótrědow,
- o. pówołaš a wótwołaš głownu jadnaŕku a jadnarja Domowiny,
- p. wobzamknuš wuznamjenjeńske pórědy Domowiny, kótarež njejsu wobstatk toš tych wustawkow, a wóliš člonkow mytowańskego wuběrka,
- q. naražiš głownej zgromažinje pó pórucenju wujadnańskego wuběrka wótwołanje člonka zwězkowego pšedsedařstwa z wólbneje funkcije,
- r. rozsužiš na zakłaže dopórucenja wujadnańskego wuběrka wó pšikazanem nachylnem wótpócywanju funkcije člonka,
- s. rozsužiš wó pšiwzešu nachylneho złoženja wólbneje funkcije na zakłaže pódaša swójskeje wóle.

2. Dalšne nadawki zwězkowego pšedsedařstwa su:

- a. pšigłosyš naraženju wó změnje městneho plana struktury zastojnstwa abo wótrědow Domowiny,
- b. pšigłosowaš naraženju wó pšistajenju abo pušćenju sobužělašerja wušej zaslužboweje kupki 11 tarifa L,
- c. pšigłosowaš jednotliwym investicijam wušej 10.000 €,
- d. pšigłosowaš nakupi abo pšedankuju imobilijow.

### § 3

#### **Pósejženja zwězkowego pšedsedařstwa**

1. Wobradowanja zwězkowego pšedsedařstwa su pó artiklu 9, dypk 8 wustawkow Domowiny zjawne. Wobradowanja zwězkowego pšedsedařstwa dejali pó župnych teritorijach drogowaš. Casnikarska powědařka Domowiny informěrujo medije tyžeń do pósejženja wó wopšimješach zjawneho žěla pósejženja.

Zjawny žěl pósejženjow wuscěla se ako livestream do seši, jolic techniske móžnosći na městnosćach wobradowanja to dowólju.

Livestreamy pósejženjow měli jaden mjasec online pšistupne byš a se pótom deaktiwěrowaš.

Zastojnstwo Domowiny ma trjebne techniske wobstojnosći ředowaš.

2. Wobradowanje žěli se pó pótrjebje do zjawnego a njezjawnego žěla.  
Zjawny a njezjawny žěl pósejženja matej se w naraženju za dnjowny pórěd wupokazaś.
3. Personalne pšašanja deje se w kuždym paže w njezjawnem žělu wobradowanja a w njejpšibynosci pótrjefjonego wobjadnaś.
4. „Napšašowanja člonkow Domowiny a gósci k serbskim nastupnosćam“, „rozpšawa pšedsedarja a člonkow zwězkowego pšedsedařstwa wó žělabnosći kšywowego zwězka mjazy pósejženjom zwězkowego pšedsedařstwa“, „informacija k aktualnym aspektam žělabnosći zastojnstwa Domowiny a Rěcneho centruma WITAJ“ a „aktualna debata člonkow zwězkowego pšedsedařstwa“ dejali byś wobstatk pósejženja zwězkowego pšedsedařstwa“, dejali stawny wobstatk pósejženja zwězkowego pšedsedařstwa byś.
5. Člonki zwězkowego pšedsedařstwa maju pšawo, temy za „aktualnu debatu“ až do 3 žělabnych dnjow do pósejženja zwězkowego pšedsedařstwa zastojnstwoju Domowiny pisnje zapódaś. Wó dalšnych a pózdžejšych naraženjach smějo se wótwisnje wót casowych móžnosćow na městnje pósejženja rozsuziś.
6. Mimo toho smějo kuždy člonk zwězkowego pšedsedařstwa do wobzamknjenja dnjownego pórěda pšosbu wó wuzamknjenje zjawnosći pši wobjadnanju wěstego dypka dnjownego pórěda stajiś. Wó póžedanju se wótgłosujo pó § 7 wótrězkach 7 do 9.
7. Člonki zwězkowego pšedsedařstwa su winowate, wó wšykných w njezjawnem žělu pósejženja wobjadnanych nastupnosćach mjelcaś.
8. Pórědne pósejženja zwězkowego pšedsedařstwa zwoła pšedsedař Domowiny na zaklaže wobzamknjonego lětnego plana žělabnosći.
9. Wurědne pósejženje zwoła se wót pšedsedarja pó pisnem póžedanju nanejmenjej stwjerši člonkow zwězkowego pšedsedařstwa, tšoch towaristwow abo prezidiuma (glej wustawki Domowiny artikel 9, dypk 7). Wóno ma se w běgu dweju tyženjowu pšewjasć.
10. Pšepšosenje z naraženim za dnjowny pórěd a pšedłogami zjawnego žěla pósejženja ma kuždy pórědny člonk zwězkowego pšedsedařstwa nanejpózdzej 7 dnjow do wobradowanja dostaś. Žyco-li se to adresat, mógu se jomu pódlóžki teke digitalnje pšipóslaś.  
Wó nastupnosćach, kótarež njejsu w pšipóslanem naraženju za dnjowny pórěd zapisane, smějo se jano pótom wobradowaś a rozsuziś, gaž njedajo se nastupnosć pšestarcy a zwězkowe pšedsedařstwo wobjadnanjeju pšigłosujo.
11. Pšepšosenje z naraženim za dnjowny pórěd a pšedłogi pósejženja dostanu teke głowna jadnařka a jadnař, wjednica Rěcneho centruma WITAJ, jeje zastupnik a referenty zastojnstwa Domowiny.

To samske plaši za pšedsedarja rewizijnego wuběrka a pšedsedarja wujadnańskego wuběrka, jolic sebje to žycejtej.

12. Pódložki zjawneho žěla pósejženja dostawaju teke župany a pšedsedarje člonojskich towaristwow, kenž njejsu z člonom zwězkowego pšedsedařstwa, jolic sebje to žyce.
13. Pódložki njezjawneho žěla pósejženja dostawaju wósoby pó § 5 dypk 10.
14. Pósejženja zwězkowego pšedsedařstwa pšewjedu se pó móžnosći realnje na póstajonem městnje.
15. Pósejženja pšewjedu se pó artiklu 6, wótrězk 6 wustawkow pak realnje, pó elektroniskej droze (na pšíklad pšez telefon abo wideowu konferencu) abo w měšanej formje z pšíbytnymi ako teke z wobžělnikami pšez wideowu konferencu, druge medije abo telefon.
16. Wobžělenje na wideowej konferency, pšez druge medije abo telefon jo pó artiklu 6, wótrězk 7 wustawkow Domowiny jano z legitimaciskimi a pšístupnymi datami móžne, kótarež plaše za wótpowědujuce pósejženje. Daty se we wósebnjej mejlce scasom do zgromažiny pósrědnjaju.

#### § 4

##### **Nawjedowanje pósejženjow**

1. Pósejženja nawjeduju pšedsedař, w paže zajžowanja zastupujucej pšedsedarja. Za wobjadnanje jadnotliwych dypkow dnjownego pórěda móžo prezidium drugih zagronitych zasajžiš.
2. Pšedsedař a zastupujucej pšedsedarja twórze pósejžeński prezidium. Nawjedowař pósejženja konsultěrujo se we wažnych pšašanjach wjednistwa pósejženja a dožaržanja wustawkow Domowiny ako teke jednańskego pórěda zwězkowego pšedsedařstwa z dalšnyma člonomi pósejžeńskego preziduma. Wónej matej wjednika pósejženja ze swójskego wida na pšedpisane póstupowanje pšiwobrošís, jolic trjebne. Howac jogo pší nawjedowanju pósejženja pódpěrujotej.
3. Nawjedowař pósejženja ma slědujuce nadawki:
  - pósejženje zachopiš a pšíbytnych wuwitaš,
  - pšípowěžeš, až se wótběg zjawneho žěla pósejženja nagrawa a až njejsu žedne dalšne nagraša dowólone,
  - pšípowěžeš, až se zjawny žěl pósejženja digitalnje ako livestream do seši wuscěla,
  - pšíbytnosć a zagronjenja zwěšćiš,
  - wopšawnosć wobzamknjenja zwěšćiš,
  - pšedsudkownosć zwěšćiš,
  - wó dnjownem pórěže wótgłosowaš daš,
  - diskusiju k jadnotliwym dypkam nawjedowaš a z wopšimješowym rezimejom zakóńcyš,

- konkretny tekst wobzamknjenja do wótgłosowanja pšedcytaš resp. pšlowne naraženje za wobzamknjenje formulěrowaš abo pšeformulěrowaš,
- wó pšedłogach a drugich naraženjach k wobzamknjenju wótgłosowaš daš,
- rezultat wótgłosowanja zwěšćiš (tši kategorije: za namjet/za naraženje, přećiwu namjetej/pšešiwu naraženju a so hłosa wzdam/se głosa zdžaržyjom),
- pšiwzeše abo wótpokazanje naraženja zwěšćiš,
- wó wokolnem abo listowem wótgłosowanju nastupnošći rozsužiš daš,
- wó wěcejraznych cytanjach wěstych pšedłogow rozsužiš daš,
- wó wótsajženju dypkow dnjownego pórěda resp. wó slědk dašu pšedłogow k dalšnemu wobžělanju w prezidiumje abo žělowych wuběrkach rozsužiš daš,
- pórědny wótběg pósejženja na zakłaže jednaškego pórěda zawěšćiš a domowe pšawo wugbaš,
- wó wopšimješach k wózwjawnjenju w medijach rozsužiš daš a pósejženje zakóńcyš.

## § 5

### Wobžělenje na pósejženjach

1. Čłonki zwězkowego pšedsedařstwa su winowate, se na pósejženjach wobžěliš. W paže zajžowanja chórosći abo drugich wažnych pšicyň dla su winowate, pšedsedařa abo sekretariat zastojnstwa Domowiny wó tom informěrowaš.
2. Lisćina za wupłašenje pósejžeńskich pjenjez płaši rownocasnje ako lisćina pšibytnošći. Kuždy čłonk zwězkowego pšedsedařstwa zapišo se ze swójim pšipismom do lisćiny pšibytnošći a wupołnijo lisćinu za zarownanje jězdnych wudawkow, jolic wón społnijo k tomu trjebne wuměńjenja pó płašecem ředowanju.
3. Čłonki zwězkowego pšedsedařstwa směju se digitalnje na pósejženju wobžěliš.
4. Digitalne wobžělenje zapišo pšedsedař do lisćiny pšibytnošći.
5. Čłonk zwězkowego pšedsedařstwa, kótaryž co pósejženje docasnje wopušćiš, musy to wjednikoju pósejženja k wěšći daš.
6. Pó artiklu 9, dypk 3 wustawkow Domowiny matej se jadnař a zastupujucy jadnař na pósejženjach zwězkowego pšedsedařstwa z pšoražujucym głosom wobžěliš. To same pšitrjefijo za wjednicu RCW a jeje zastupnika, tematizěruju-li se kublańsko-politiske pšašanja. Medijowy powědař, referentka za nastupnošći kšywowego zwězka a referentka za gremijowe a ministerialne nastupnošći se tejerownošći na pósejženjach wobžěliju.
7. Pšedsedař rewizijnego wuběrka kaž teke pšedsedař wujadnaškego wuběrka matej pó artiklu 9, dypk 3 wustawkow Domowiny pšawo, se na wobradowanjach zwězkowego pšedsedařstwa z pšoražujucym głosom wobžěliš.
8. Zastupnik Domowiny we FUEN-prezidiju ma pšawo, se z pšoražujucym głosom na pósejženjach zwězkowego pšedsedařstwa wobžěliš.

9. K zjawnym pósejženjam ma kuždy zajmc pśistup. Zajmce pak njamaju pšawo, do jadnanjow zapśimnuś abo wótběg pósejženja móliś.
10. Na njezjawnem žělu wobžěluju se člonki zwězkowego pśedsedařstwa, głowna jadnařka a jadnař, referentka za nastupnosći kšywowego zwězka, referentka za gremijowe a ministrařske nastupnosći ako teke protokolantka/protokolant ze zastojnstwa. Řědowanja § 7, dypk 13 nastupajucy pśedsudkownosći maju se dožaržaś. Jolic mařizna pśedwižonego dypka to pomina, směju se dalšne wósoby na njezjawny žěl pšepšosyś. Na njezjawnem žělu smějotej se teke pśedsedař rewizijnego wuběrka a pśedsedař wujadnařskego wuběrka wobžěliś, gaž wó to pšosytej.

## § 6

### Wobžělenje na diskusiji

1. Čłonki zwězkowego pśedsedařstwa a prezidiuma, głowna jadnařka, jadnař a wobžělniki pó § 5 dypki 6 do 9 togo pórěda, ako teke pšepšosone gósci maju pšawo, se wugroniś, gaž jim wjednik pósejženja słowo pšepódajo. Kuždy diskutant smějo se jano dwójcy k samsnej nastupnosći wugroniś. Słowo se pó rěže pśizjawjenjow pšepódawa. Wó powědařskem pšawje njepšosonych gósci rozsužiju pósejžeński prezidium.
2. Čłonek zwězkowego pśedsedařstwa, kótaryž co k jadnařskemu pórědoju powědaś, pśizjawijo to ze zwignjenim wobeju rukowu. Wón dostanjo pótom ned słowo.
3. Gdyž wugronijotej se pominanje abo naraženje za wótgłosowanje, smějotej zasadnje jaden čłonek zwězkowego pśedsedařstwa za to a jaden pšešiwu tomu powědaś. Pótom se wótgłosuju.
4. Cas powědanja móžo se wót pósejžeňskego prezidiuma pó pótrjebnosći wobgranicowaś.  
Gaž se wěcej wó temje njepowěda, ma wjednik pósejženja pšawo, powědajucemu słowo weześ.
5. Jadnařski pórěd dowólijo čłonkam zwězkowego pśedsedařstwa w běgu pósejženja slědujuce naraženja:
  - slědk daše nastupnosći do prezidiuma, do žěloweje kupki resp. do žělowego wuběrka abo na Domowinske zastojnstwo, až by se pśedłoga k tomu pśigótowała resp. pśedlažeca pśedłoga se pšežěłała,
  - wótsajženje nastupnosći z dnjownego pórěda resp. pšestarcenje wobjadnanja,
  - wokolne wótgłosowanje pó pósejženju, gaž pśedlažy pšežěłane naraženje za wobzamknjenje,
  - zakóncenje diskusije k nastupnosći,
  - wótgłosowanje wó pśedłozu resp. wó naraženju k wobzamknjenju,
  - pšetergnjenje abo zakóncenje pósejženja,
  - wuzamknjenje zjawnosći,
  - pominanje za pótajnym wótgłosowanim abo za wótgłosowanim pó mjenju,
  - napšašowanje wěcywuznatych wósobow a
  - pšepódaše poľnomócy k dokóncnemu rozsudoju prezidiumoju, pśedsedařejew abo Domowinskemu zastojnstwoju.

6. Člonek zwězkowego předsedařstwa, kotaryž jo se k diskusiji přizjawił a njejo zakóńcenja diskusije dla wěcej słowo dostał, smějo swój přinosk pisnje předsedařeju přepódaš. Přinosk připožyžo se protokoloju.
7. Do wótgłosowanja wó předłogach a naraženjach za wobzamknjenje smějo kuždy člonek zwězkowego předsedařstwa wósobinske wujasnjenje wótedaš. K tomu přepódajo jomu wjednik pósejženja pó wótpowědnem přizjawnju słowo. Take wósobinske wujasnjenje smějo jano rownostajenje wopacnych wugronjenjow abo wótwoboranjow wósobinskego nadpada wopšimješ.

## § 7

### Wótgłosowanja a wobzamknjenja

1. Pó artiklu 6, dypk 3 wustawkow Domowiny jo zwězkowe předsedařstwo wopšawnjone k wobzamknjenju, gaž jo wěcej ako połojca jogo člonkow přibytna.
2. Naraženje jo přiwzete, gaž jo wětšyna přibytnych za wótgłosowanje wopšawnjonych za naraženje głosowała, dalokož njejo to w toš tom porěže abo we wustawkach hynac póstajone. Přisamskej libje głosow za abo přešiwow naraženjeju jo naraženje wótpokazane.
3. Za wótgłosowanje dostanjo kuždy člonek głosowańske kórtki (zelenu kartku z napismom "za namjet/za naraženje", čerwjenu kartku z napismom "přečiwo namjetej/přešiwow naraženju" a bělu kartku z napismom "so hłosa wzdám/se głosa zdžaržyjom").
4. Wótedane glose digitalnje přizamknjonych člonkow zwěscijo wjednik pósejženja z pomocu wobrazowki. Za cas wótgłosowanja a wulicenja musy wósoba, kotaraž wótgłosujo, na wobrazowce wižeš byš. Jolic njejo wósoba wižeš abo njedajo se wótedany głos přirědowaš, se toš ten njelicy.
5. Naraženje k wobzamknjenju musy pisnje abo wustnje jasnje sformulěrowany byš, nježlic se wó njom wótgłosujo.  
Wó kuždem naraženju se jadnotliwje wótgłosujo.  
Gdyž předlažyjo wěcej naraženjow k wobzamknjenju, kotarež samsku nastupnosć wobjadnaju, wótgłosujo se nejprweje naraženje, kotarež pó wopšimješu nejwěcej zaměroju wobzamknjenja wótpowědujo.
6. Signalizěrujo-li jedno člonkojske towaristwo z pisnym wobtwarženim w předpólu pósejženja k naraženjeju za wobzamknjenje móčne wobmyslenja, ma se předsedařstwo toš togo towaristwa do wótgłosowanja słyšaš. Słyšanje předsedařstwa toš togo towaristwa se přewježo w zwězkowem předsedařstwje.
7. Wótgłosujo se zasadnje zjawnje ze zwignjenim głosowańskeje kórtki.
8. Gdyž se to jaden člonek zwězkowego předsedařstwa pomina, pótom se pó mjenju abo pótajmnje wótgłosujo. Předlažytej wobej naraženi, pón se pótajmnje wótgłosujo. Přis wótgłosowanju pó mjenju předcytajo wjednik pósejženja mě

wótpowědneho člonka zwězkowego pśedsedařstwa, kótaryž musy pótom groniš, lěc wón "za naraženje" abo "pšešiwu naraženjeju" głosujo resp. lěc se glosa zdžaržyjo. To se we wótpowědnej lisćinje dokumentěrujo a protokoloju pśidajo. Člonki zwězkowego pśedsedařstwa, kótarež njejsu wobzamknjenju pśigłosowali, směju se pominaš, až se to w protokolu naspomnjejo.

9. Pó artiklu 6, dypk 4 wustawkow Domowiny móžo zwězkowe pśedsedařstwo teke pó pisnej droze rozsudy twóriš. Wó tom ma zwězkowe pśedsedařstwo abo prezidium rozsuziš. Naraženje jo pśiwzete, gaž jo se nanejmenjej počojca člonkow organa na wótgłosowanju wobželiła a wětšyna do głosowanja wopšawnjonych z pšawom na głosowanje za naraženje głosowała, snažkuli wustawki něco drugego póstajaju.
10. Gaž se wuměnjnja za płašce wobzamknjenja zasadnje změnjaju, móžo se wótpowědne pšašanje wótnowotki w zwězkowem pśedsedařstwje wobjadnaš. Pśi tom ma se wó tom rozsuziš, lěc se do toho wótgłosowane wobzamknjenje slědk wzejo.
11. Wólby a personalne rozsudy pšewjedu se w pótajmne wótgłosowanju. Smějo se zjawnje wóliš, gdyž njejo žeden člonk zwězkowego pśedsedařstwa pšešiwu tomu. Wólona jo zasadnje ta wósoba, kótaraž dostanjo wěcej ako počojcu glosow wšykných člonkow zwězkowego pśedsedařstwa. Pśi wšakorakich mjenjach na jadnom wólbne lisćiku, su toš te wósoby wuzwólone, kótarež su pó rěže nejwěcej glosow dostali. Pśi rowności glosow ma se pšewjasć dowuzwólowanje. Wólony jo pótom ten samy, kótaryž dojspijo w dowuzwólowanju wětšynu glosow.
12. Pótajmne, listowe wólby su móžne. Wó tom ma zwězkowe pśedsedařstwo abo prezidium rozsuziš.
13. Člonki zwězkowego pśedsedařstwa njesměju se pśi wobjadnanju a wobzamknjenju nastupnosćow wobželiš, gaž móžo jim wobzamknjenje wósobinski, jich swójbny resp. pśiswójbny přednego stopjenja abo institucijam, kótarež wóni juristiski zastupuju, njepósrědne lěpšyny abo njelěpšyny pśinjasć. Pótrjefjony člonk zwězkowego pśedsedařstwa musy sam swóju pśedsudkownosć do wobjadnanja wótpowědne nastupnosći pśizjawiš. Wón smějo se w paže zjawneho žěla pósejzenja sednuš ku góscam, w paže njezjawneho žěla pak musy pósejžeńsku rumnosć wopušćiš. Gdyž wobstoje cwiblowanja na pśedsudkownosći resp. njepśedsudkownosći, pótom rozsuzijo se w njepśibytnosći pótrjefjonego. To samske płaši za wšykných dalšnych pśibytných abo digitalnje pśibytných.

## § 8

### **Protokol zjawneho žěla pósejzenja**

1. Wó kuždem zjawne pósejzenju wužělajo se protokol wobzamknjenjow. Ako pomocny srědk za protokolěrowanje zjawneho žěla pósejzenja wužywa se nagrawański řed.
2. Protokol zjawneho žěla dej wopšimješ:



- termin, městno, zachopjeńk a kóńc wobradowanja,
  - mě wjednika / wjednikow zejženja,
  - pšibytnosć cłonkow a gósci,
  - dnjowny pórěd,
  - cysła a title wobjadnanych pśedłogow,
  - wobzamknjenja z formulaciju naraženja, z wuslědkom wótgłosowanja a z běžnym cysłom toś teje wólbneje doby,
  - nadawki, kótarež su se drugim gremiumam pšepódali,
  - wósobinske stojnišćo, gaž se to cłonk zwězkowego pśedsedařstwa pomina a
  - teksty rozpšawow ku głownym nastupnosćam ako dodank k protokoloju.
3. Cłonki zwězkowego pśedsedařstwa a jogo stawne gósci dostanu w běgu jadnogo tyženja pó pósejženju na digitalnem pušu nacerjenje protokola a směju k protokoloju pokazki abo korektury zapódaš. Doskóńcne nacerjenje pšepódajo se z pódložkami za pśiduce pósejženje.
  4. Župany a pśedsedarje cłonkojskich towaristwow, kenž njejsu cłonk zwězkowego pśedsedařstwa, dostanu protokol k informaciji, jolic sebje to žyce. To samske plaši za pśedsedarja rewizijnego wuběrka a pśedsedarja wujadnańskego wuběrka.
  5. Protokol a spońjenje wobzamknjenjow se kontrolěrujotej na pśiducem zjawnem wobradowanju zwězkowego pśedsedařstwa.

## § 9

### Protokol njezjawneho žěla

1. Wó kuždem njezjawnem pósejženju nažěłajo se wuslědkowy protokol. Ako pomocny srědk za protokolěrowanje njezjawneho žěla pósejženja smějo se nagraše wużywaš, kótarež ma se pó wobtwarženju protokola znicys.
2. Wobzamknjenja njezjawneho žěla maju se ze separatnym běžnym cysłowanim protokolěrowaš ("n" pśed cysłom).
3. Wobstoj móžnosć, jadnotliwe wugronjenje pó słowje do protokola pšewžeš.
4. Cłonkam wurownańskego wuběrka ma se na pominanje protokol pód doglědom w zastojnstwje spśistupniš.
5. Protokol njezjawneho žěla kontrolěrujo se na pśiducem pósejženju zwězkowego pśedsedařstwa.

## § 10

### Pśedłogi

1. Pśedłogi do zwězkowego pśedsedařstwa směju zapódaš:
  - prezidium,
  - pśedsedař a zastupujocy pśedsedař Domowiny,
  - cłonki zwězkowego pśedsedařstwa,

- žělowe wuběrki resp. žělowe kupki,
  - rewizijny a wurownański wuběrk Domowiny,
  - pśedsedařstwa člonkojskich župow a towaristwow, ako teke
  - zastojnstwo Domowiny a
  - Rěcny centrum WITAJ.
2. Pśedłogi se wužěłaju, gaž se zwěsćijo trjebnosć wobjadnanja wótpowědneho pšašanja wót boka wólonych gremijow kšywoweho zwězka, pśedsedařstwow člonkojskich župow a towaristwow abo teke zastojnstwa Domowiny, gdyž zwězkowe pśedsedařstwo wótpowědny nadawk wobzamkny abo pósejžeńskej plana zwězkowego pśedsedařstwa to pśedwiži.
  3. Pśedłogi dejali se zasadnje prezidiumoju k pśedwobjadnanju pśepódaš, aby mógał zwězkowemu pśedsedařstwowoju dopórućenje k dokóńcnemu wobjadnanju pśedłogow pśepódaš. Referentka za nutšikowne nastupnosći Domowiny rědujo, numerěrujo spšístupnijo resp. wózwajijo pśedłogi we wótgłosowanju z prezidiumom.
  4. Za pśigótowanje pśedłogow ma se wósebny formular wužywaš (glej dodank). Kužda pśedłoga dostanjo swójo cysto (běžne cysto + licba lěta). Pśedłogi, kenž se rozsužuju w prezidiumje na zakłaže § 6, dypka 5, smužki 10 abo § 12, dypkow 2, 4 abo 5 togo jadnańskego póředa, maju pśed běžnym cystom pśidank "P". Pśedłogi, kótarež se w zwězkowem pśedsedařstwy dokóńcnje wobjadnaju a schwaliju, maju pśidank "ZP". Wobej družynje pśedłogow se separatnje licytej a składujotej. Wobtwarjenje za naraženje k wobzamknjenju pódajo se we wótpowědujucem pśidanku.
  5. W pśedłogach, kenž služe jano informaciji, zapišo se do rubriki "Naraženje za wobzamknjenje " pasus, až se informacija k wěsći wzejo.
  6. Financne wustatkowanja wobzamknjenjow maju se pomjenjowaš a zastojnstwo Domowiny dejało financěrujobnosć do jadnanja w prezidiumje pśespytowaš a z pódpismom głowneje jadnańki, jadnarja abo referenta za góspodařske a infrastrukturelne nastupnosći wobtwaržiš.
  7. Gaž se w běgu jadnanjow zwězkowego pśedsedařstwa wóthylajuće naraženje k wobzamknjenju formulěruju, pón pišo se nowa formulacija do pśeglěda pśedłogow.

## § 11

### Wutwórjenje žělowych wuběrkow

1. Zwězkowe pśedsedařstwo abo prezidium wutwórijotej pó pótrjebje k analytiskemu a koncepcionelnemu wobžěłanju nastupnosćow žělowe wuběrki. Kuždy wuběrk dejał z nanejmnjej 5 člonkow wobstojaš, wětšyna z nich dejała byš člonk zwězkowego pśedsedařstwa.

Póstajijo se zestajenje a wjednik želowego wuběrka, jogo zastupnik, pó wopśimješu pśislušajucy zagronity zastojnstwa, wopśimješowe zaměry žělabności a doba statkowanja.

2. Wuběrki maju pšawo, stajis na prezidium pšosbu wó juristiske póražowanje.
3. Za wótběg pósejženjow žělowych wuběrkow plaše w zasaže póstajenja jadnańskega póřěda zwězkowego pśedsedařstwa wótpowědnje. Wobradowanja wuběrkow su zasadnje njezjawne. Wuwzeša su móžne. Čłonkam zwězkowego pśedsedařstwa a prezidiuma jo pśistup kuždy cas móžny.
4. Protokole wobradowanjow žělowych wuběrkow dostanu mimo čłonkow wuběrka teke čłonki prezidiuma. Čłonki zwězkowego pśedsedařstwa směju se protokole pominaš.
5. Ako čłonki žělowych wuběrkow mógu se mimo čłonkow zwězkowego pśedsedařstwa a prezidiuma dalšne zastupniki župow a towaristwow ako teke fachniki pówołaš. Wóni pódlaže samskemu řědowanju dowěrnosći ako čłonki zwězkowego pśedsedařstwa.
6. Wuběrki rozpšawiju zwězkowemu pśedsedařstwoju abo prezidiumoju pšawidłownje wó rezultatach a žělabności swójogo statkowanja a pśedpołožyju wótpowědne naraženja ako pśedłogi k wobjadnanju a schwalenju.
7. Pśedsedarje wuběrkow směju na zakłaže napšašowanjow medijow abo pó swójskem rozsuže čłonkow wuběrkow zjawnosć k tematiskim šěžyšćam njezjawnych pósejženjow wuběrkow informěrowaš. Pši tom dej se na to glědaš, až dej se jednaš wó powšykne informacije žělabności wuběrkow, nic pak wó nacerjenja, kenž muse zwězkowe pśedsedařstwo dodiskutěrowaš a wobzamknuš.

## § 12

### Prezidium

1. Pó artiklu 10 wustawkow Domowiny slušaju do prezidiuma pśedsedař Domowiny, jogo zastupnika a dalšnej čłonka zwězkowego pśedsedařstwa, kótarejuž na naraženje pśedsedarja zwězkowe pśedsedařstwo pówołajo.
2. Pó artiklu 10 dypka 3 a 4 wustawkow Domowiny póstajijo zwězkowe pśedsedařstwo slědujuce zagronitosći prezidiuma:
  - a. pśigótowaš pó wopśimješu pósejženja zwězkowego pśedsedařstwa,
  - b. póražowaš zwězkowe pśedsedařstwo we wopśimješowych a wažnych organizatoriskich pšašanjach a k tomu pśedpołožyš trjebne pśedłogi,
  - c. póražowaš pśedsedarja Domowiny w jogo běžnem žěle,
  - d. wutwóriš w nadawku zwězkowego pśedsedařstwa nachylne žělowe kupki resp. wuběrki a jich žěto koordiněrowaš,

- e. póražowaš pšedsedarja a jednařstwo pši koordinaciji běžneje žěłabnosći zastojnstwa Domowiny a Řěcneho centruma WITAJ a pšiwzeš k tomu trjebne informacije,
  - f. pšigótowaš głowne zgromažiny Domowiny a nawjedowaš wužěłanje rozpšawy wó zwopšawdnjenju nadawkow žěłowych směrnicow zwězkowego pšedsedařstwa a
  - g. rozsuziš wó slědujucych pšašanjach:
    - chwatnje trjebne stojniřća Domowiny k nacerjenjam pšawniskich pšedpisow a k aktualnym pšašanjam,
    - stojniřća Domowiny k pšedewzešam regionalnego planowanja,
    - delegěrowanje kulturnych kupkow w nadawku Domowiny, projekty kulturneje wuměny a službne jězby cesnoamtskich zastupnikow Domowiny do wukraja,
    - koncepty za wrošenicy a jubileje,
    - napšawy w zwisku z wobgospodarjenim imobilijow Domowiny,
    - nadawki k pšawniskemu póražowanjeju Domowiny,
    - kónčna redakcija stojniřćow, rezolucijow, , brošurkow, memorandumow a pódobnych wózwajwenjow Domowiny, kótarež se w zjawnosći rozšyriju,
    - wobžěłenje Domowiny pši projektach drugich nosarjow,
    - koncepty za wopomnjeńske dny,
    - z běžneje žěłabnosći kšywowego zwězka wótwóžone nadawki za žěłowe wuběrki zwězkowego pšedsedařstwa.
3. Zwězkowe pšedsedařstwo informěrujo se na kuždym pósejženju wó žěłabnosći prezidiuma a dostanjo pisny pšeglěd rozsudow pósejženjow prezidiuma z pódložkami za swóje pšiduce pósejženje.
  4. Pósejženja prezidiuma su zasadnje njezjawne. Čłonki zwězkowego pšedsedařstwa směju se na pósejženjach wobžěliš. Čłonki zwězkowego pšedsedařstwa maju pšawo, prezidiumoju naraženja za wobjadnanje nastupnosćow zapódaš.
  5. Žěłabnosć prezidiuma řědujo wósebny jednařski pórěd, kenž wobzamknjo zwězkowe pšedsedařstwo.

## § 13

### Winowatosći čłonkow zwězkowego pšedsedařstwa

1. Mimo aktiwneho wobžěłenja na pósejženjach zwězkowego pšedsedařstwa ma čłonek zwězkowego pšedsedařstwa wósebne winowatosći napšešiwo župje resp. towaristwoju, kótaraž/kótarež jo jogo za wólby do zwězkowego pšedsedařstwa nominěrowała/o. Wón/wóna ma pšedsedařstwo župy resp. towaristwa pšawidłownje wó swójom statkowanju informěrowaš, pšedłogi w pšedpólu pósejženjow z nimi diskutěrowaš, wobzamknjenja zwězkowego pšedsedařstwa rozkładowaš a jich pšesajženje pódpěrowaš.

2. Wobzamknjenja su za kuždego člónka zwězkowego pśedsedařstwa jadnak zwězujuce. Žeden člónk zwězkowego pśedsedařstwa njama pó wotumje wětšiny gremija pšawo, pśesajženje wobzamknjenjow blokěrowaś a napśešiwne aktiwity pšewjasć.
3. Gaž zwězkowe pśedsedařstwo póstajijo, až njesmějo se wó wěstych pšašanjach zjawnje informěrowaś, ma kuždy člónk gremija winowatosć k mjelcanju. Toś ta winowatosć wobstoj až do wulichowanja na zakłaže rozsuda zwězkowego pśedsedařstwa.  
Winowatosć k mjelcanju pak płaši bžeze wobgranicowanja za personalne daty.
4. Kuždy člónk zwězkowego pśedsedařstwa jo k aktiwnemu zjawnostnemu žěloju napominany.

## § 14

### Zjawnostne žěło

1. Zjawnosć a žurnalisty pšepšosuju se z casnikařskim wózjawjenim a z inseratom na zjawne wobradowanja zwězkowego pśedsedařstwa.
2. Dnjowny pórěd zjawnego žěla wózjawijo se nejpóźdež 3 žělowych dny do pósejženja w serbskej a nimskej rěcy w interneše.
3. Pódložki zjawnego žěla pósejženja wózjawiju se w zapódanej rěcy tejerownosći nejpóźdež 3 žělowych dny do pósejženja na internetowej stronje Domowiny. Z toho wuwzetej stej rozpšawa pśedsedařa a rozpšawa prezidiuma Domowiny. Wó dalšnych wuwzešach smějotej zwězkowe pśedsedařstwo a prezidium rozsuziš.
4. Wobzamknjenja zjawnego žěla pósejženjow zwězkowego pśedsedařstwa dejali se w běgu jadnogo tyženja na internetnych bokach Domowiny wózjawiś.
5. Pó pósejženju zgótujo medijowy powědař medijowe wózjawjenje wó glownych šěžyšćach a wuslědkach zejženja.  
Pó wótgłosowanju z jadnym člónkom prezidiuma pósrědnja se wóne redakcijam, člónkam zwězkowego pśedsedařstwa a dalšnym zajmowanym adresatam.  
Zrazom ma se wóno na internetowej stronje Domowiny wózjawiś.
6. Rozsudy internego resp. dowěrliwego charaktera, kótarež njesměju se wózjawiś, se na pósejženju konkretnje pomjenjuju.

Dalokož se w toś tom jadnańskem pórěže funkcije a pomjenjowanja pó muskecem a žeńskecem rože wopisuju, měni se z tym rownogódnje žeńskecy a muskecy rod.

*Jadnański pórěd zwězkowego pśedsedařstwa za wólbnu dobu 2021-2025 schwalijo se na pósejženju zwězkowego pśedsedařstwa dnja 12.04.2024 a z tym nabywa płašiwosć.*





## Jadnański pórěd Zwězkowego pśedsedařstwa Domowiny za wólbnu dobu 2021-2025

### § 1

#### **Powšykne zasady žělabnosći**

1. Zwězkowe pśedsedařstwo Domowiny nawjeduju žěto kšywowego zwězka mjazy głownymi zgromažinami.
2. Zestawa, nadawki a kompetence zwězkowego pśedsedařstwa rěduju artikel 9, wótrězki 1 - 8 wustawkow Domowiny.
3. Zwězkowe pśedsedařstwo społnijo swóje nadawki z
  - pórědnymi a wurědnymi pósejženjami,
  - žělom prezidiuma pó §10 toś toho pórěda,
  - analytiskim a koncepcionelnym pśedžělom žělowych wuběrkow a kupkow,
  - koordinaciju a integraciju celonarodnego žěta we wótgłosowanju z pśedsedařstwami člonkojskich župow a towaristwow a z drugimi zwězkarjami,
  - statkowanim kuždego jednotliwego člonka zwězkowego pśedsedařstwa w swójom towaristwje a w zjawnosći,
  - aktiwnym zjawnostnym žělom wó zaměrach kšywowego zwězka a wó połoženju a zajmach serbskego luda.
4. Zwězkowe pśedsedařstwo zmakajo se pó artiklu 9, dypk 7 wustawkow Domowiny nanejmenjej styri raze wob lěto. Mimo toho zwoła se kužde lěto klawsumne pósejženje. K tomu se lětny plan žělabnosći nastajijo, kótaryž mimo terminow teke městnosć a wopšimješowe šěžyšća pósejženjow póstajijo.

### § 2

#### **Nadawki zwězkowego pśedsedařstwa**

1. Zwězkowe pśedsedařstwo ma pó artiklu 9 dypki 4 do 6 wustawkow Domowiny slědujuce nadawki:
  - a. rozsužiś wó pšašanjach běžnego žěta Domowiny mjazy głownyma zgromažinomama,
  - b. póstajis šěžyšća žělabnosći a rědowaś zawězujuce zagronitosći za zwopšawdnjenje nadawkow,
  - c. pšawidłownje pšiwześ rozpšawy pśedsedarja a prezidiuma Domowiny,
  - d. póstajis zagronitosći a nadawki prezidiuma,

- e. ředowaš wobsejžeństwo a finance Domowiny, pšiwzeš a schwališ financne a góspodařske plany a rozpšawy, wutwóriš žělowe wuběrki,
  - f. wutwóriš žělowe wuběrki,
  - g. pšiwzeš rozpšawy głowneje jadnaŕki wó žěle zastojnstwa Domowiny a póstajíš šěžyšća žěla zastojnstwa,
  - h. póstajíš šěžyšća žělabnošći Domowinje pšisłušajucych institucijow a wótrědow,
  - i. pšiwzeš rozpšawy wjednikow Domowinje pšisłušajucych institucijow a wótrědow,
  - j. nachylnje pšiwzeš nowe towaristwa do Domowiny,
  - k. nachylnje rozsužiš wó nosařstwach dašnych institucijow abo wótzělenjow pód kšywom Domowiny,
  - l. pówołaš a wótwołaš resp. nominěrowaš zastupjarjow Serbow do/z gremijow a pšawidlownje pšiwzeš rozpšawy wó jich žělabnošći,
  - m. wobzamknuš žělowe pórědy Domowinskego zastojnstwa a Domowinje pšisłušajucych institucijow a wótrědow,
  - n. pówołaš a wótwołaš wjednikow Domowinje pšisłušajucych institucijow a wótrědow,
  - o. pówołaš a wótwołaš głownu jadnaŕku a jadnarja Domowiny,
  - p. wobzamknuš wuznamjenjeńske pórědy Domowiny, kótarež njejsu wobstatk toš tych wustawkow, a wóliš člonkow mytowańskego wuběrka,
  - q. naražiš głownej zgromažinje pó pórucenju wujadnańskego wuběrka wótwołanje člonka zwězkowego pšedsedařstwa z wólbneje funkcije,
  - r. rozsužiš na zakłaže dopórucenja wujadnańskego wuběrka wó pšikazanem nachylnem wótpócywanju funkcije člonka,
  - s. rozsužiš wó pšiwzešu nachylneho złoženja wólbneje funkcije na zakłaže pódaša swójskeje wóle.
2. Dašne nadawki zwězkowego pšedsedařstwa su:
- a. pšigłosyš naraženju wó změnje městneho plana struktury zastojnstwa abo wótrědow Domowiny,
  - b. pšigłosowaš naraženju wó pšistajenju abo pušćenju sobužělašerja wušej zaslužboweje kupki 11 tarifa L,
  - c. pšigłosowaš jednotliwym investicijam wušej 10.000 €,
  - d. pšigłosowaš nakupi abo pšedankuju imobilijow.

### § 3

#### **Pósejženja zwězkowego pšedsedařstwa**

1. Wobradowanja zwězkowego pšedsedařstwa su pó artiklu 9, dypk 8 wustawkow Domowiny zjawne. Wobradowanja zwězkowego pšedsedařstwa dejali pó župnych teritorijach drogowaš. Casnikarska powědařka Domowiny informěrujo medije tyžeń do pósejženja wó wopšimješach zjawneho žěla pósejženja.

Zjawny žěl pósejženjow wuscěla se ako livestream do seši, jolic techniske móžnosći na městnosćach wobradowanja to dowóliju.

Livestreamy pósejženjow měli jaden mjasec online pšisťupne byš a se pótom deaktivěrowaš.

Zastojnstwo Domowiny ma trjebne techniske wobstojnosći ředowaš.



2. Wobradowanje žěli se pó pótrjebje do zjawnego a njezjawnego žěla. Zjawny a njezjawny žěl pósejženja matej se w naraženju za dnjowny pórěd wupokazaś.
3. Personalne pšašanja deje se w kuždym paže w njezjawnem žělu wobradowanja a w njejsibytności pótrjefjonego wobjadnaś.
4. „Napšašowanja člónkow Domowiny a gósci k serbskim nastupnosćam“, „rozpšawa pśedsedarja a člónkow zwězkowego pśedsedařstwa wó žělabnosći kšywowego zwězka mjazy pósejženjoma zwězkowego pśedsedařstwa“, „informacija k aktualnym aspektam žělabnosći zastojnstwa Domowiny a Rěcneho centruma WITAJ“ a „aktualna debata člónkow zwězkowego pśedsedařstwa“ dejali byś wobstatk pósejženja zwězkowego pśedsedařstwa“, dejali stawny wobstatk pósejženja zwězkowego pśedsedařstwa byś.
5. Člónki zwězkowego pśedsedařstwa maju pšawo, temy za „aktualnu debatu“ až do 3 žělabnych dnjow do pósejženja zwězkowego pśedsedařstwa zastojnstwoju Domowiny pisnje zapódaś. Wó dalšnych a pózdžejšych naraženjach smějo se wótwisnje wót casowych móžnosćow na městnje pósejženja rozsužiś.
6. Mimo togo smějo kuždy člónk zwězkowego pśedsedařstwa do wobzamknjenja dnjownego pórěda pšosbu wó wuzamknjenje zjawnosći pši wobjadnanju wěstego dypka dnjownego pórěda stajiś. Wó póžedanju se wótgłosujo pó § 7 wótrězkach 7 do 9.
7. Člónki zwězkowego pśedsedařstwa su winowate, wó wšykných w njezjawnem žělu pósejženja wobjadnaných nastupnosćach mjelcaś.
8. Pórědne pósejženja zwězkowego pśedsedařstwa zwoła pśedsedař Domowiny na zakłaže wobzamknjonego lětnego plana žělabnosći.
9. Wurědne pósejženje zwoła se wót pśedsedarja pó pisnem póžedanju nanejmenjej stwjerši člónkow zwězkowego pśedsedařstwa, tšoch towaristwow abo prezidiuma (glej wustawki Domowiny artikel 9, dypk 7). Wóno ma se w běgu dweju tyženjowu pšewjasć.
10. Pšepšosenje z naraženim za dnjowny pórěd a pśedłogami zjawnego žěla pósejženja ma kuždy pórědny člónk zwězkowego pśedsedařstwa nanejpozdzej 7 dnjow do wobradowanja dostaś. Žycy-li se to adresat, mógu se jomu pódlóžki teke digitalnje pšipóslaś.  
Wó nastupnosćach, kótarež njejsu w pšipóslanem naraženju za dnjowny pórěd zapisane, smějo se jano pótom wobradowaś a rozsužiś, gaž njedajo se nastupnosć pšestarcys a zwězkowe pśedsedařstwo wobjadnanjeju pšigłosujo.

11. Pšepšosenje z naraženim za dnjowny pórěd a pšedłogi pósejženja dostanu teke głowna jadnańka a jadnań, wjednica Rěcneho centruma WITAJ, jeje zastupnik a referenty zastojnstwa Domowiny.

To samske plaši za pšedsedarja rewizijnego wuběrka a pšedsedarja wujadnańskega wuběrka, jolic sebje to žycejtej.

12. Pódložki zjawneho žěla pósejženja dostawaju teke župany a pšedsedarje ćlonkojskich towaristwow, kenž njejsu z ćlonkom zwězkowego pšedsedařstwa, jolic sebje to žyce.
13. Pódložki njezjawneho žěla pósejženja dostawaju wósoby pó § 5 dypk 10.
14. Pósejženja zwězkowego pšedsedařstwa pšewjedu se pó móžnosći realnje na póstajonem městnje.
15. Pósejženja pšewjedu se pó artiklu 6, wótrězk 6 wustawkow pak realnje, pó elektroniskej droze (na pšikład pšez telefon abo wideowu konferencu) abo w měšanej formje z pšibytnymi ako teke z wobžělnikami pšez wideowu konferencu, druge medije abo telefon.
16. Wobžělenje na wideowej konferency, pšez druge medije abo telefon jo pó artiklu 6, wótrězk 7 wustawkow Domowiny jano z legitimaciskimi a pšistupnymi datami móžne, kótarež plaše za wótpowědujuce pósejženje. Daty se we wósebnjej mejlce scasom do zgromažiny pósrědnjaju.

#### § 4

##### **Nawjedowanje pósejženjow**

1. Pósejženja nawjeduju pšedsedař, w paže zajžowanja zastupujucej pšedsedarja. Za wobjadnanje jednotliwych dypkow dnjownego pórěda móžo prezidium drugih zagronitych zasajziš.
2. Pšedsedař a zastupujucej pšedsedarja twórje pósejžeński prezidium. Nawjedowař pósejženja konsultěrujo se we wažnych pšašanjach wjednistwa pósejženja a dožaržanja wustawkow Domowiny ako teke jadnańskega pórěda zwězkowego pšedsedařstwa z dalšnyma ćlonkoma pósejžeńskega prezidiuma. Wónej matej wjednika pósejženja ze swójskego wida na pšedpisane póstupowanje pšiwobrošiš, jolic trjebne. Howac jogo pši nawjedowanju pósejženja pódpěrujotej.
3. Nawjedowař pósejženja ma slědujuce nadawki:
  - pósejženje zachopiš a pšibytnych wuwitaš,
  - pšipowěžeš, až se wótběg zjawneho žěla pósejženja nagrawa a až njejsu žedne dalšne nagraša dowólone,
  - pšipowěžeš, až se zjawny žěl pósejženja digitalnje ako livestream do seši wuscěla,
  - pšibytnosć a zagronjenja zwěsciš,
  - wopšawnosć wobzamknjenja zwěsciš,

- pšedsudkownosć zwěšćís,
- wó dnjownem pórěže wótgłosowaš daš,
- diskusiju k jadnotliwym dypkam nawjedowaš a z wopšimješowym rezimejom zakóńcyš,
- konkretny tekst wobzamknjenja do wótgłosowanja pšedcytaš resp. pšłowne naraženje za wobzamknjenje formulěrowaš abo pšeformulěrowaš,
- wó pšedłogach a drugich naraženjach k wobzamknjenju wótgłosowaš daš,
- rezultat wótgłosowanja zwěšćís (tši kategorije: za namjet/za naraženje, pšeciwo namjetej/pšešiwu naraženju a so hłosa wzdam/se głosa zdžaržyjom),
- pšiwzeše abo wótpokazanje naraženja zwěšćís,
- wó wokolnem abo listowem wótgłosowanju nastupnosći rozsužiš daš,
- wó wěcejraznych cytanjach wěstych pšedłogow rozsužiš daš,
- wó wótsajženju dypkow dnjownego pórěda resp. wó slědk dašu pšedłogow k dalšnemu wobžělanju w prezidiumje abo žěłowych wuběrkach rozsužiš daš,
- pórědny wótběg pósejženja na zakłaže jednańskego pórěda zawěšćís a domowe pšawo wugbaš,
- wó wopšimješach k wózwajnenju w medijach rozsužiš daš a
- pósejženje zakóńcyš.

## § 5

### Wobžělenje na pósejženjach

1. Čłonki zwězkowego pšedsedařstwa su winowate, se na pósejženjach wobžěliš. W paže zajžowanja chórosći abo drugich wažnych pšicyń dla su winowate, pšedsedarja abo sekretariat zastojnstwa Domowiny wó tom informěrowaš.
2. Lisćina za wupłašenje pósejžeńskich pjenjez płaši rownocasnje ako lisćina pšibytnosći. Kuždy čłonk zwězkowego pšedsedařstwa zapišo se ze swójim pšódpismom do lisćiny pšibytnosći a wupołnijo lisćinu za zarownanje jězdnych wudawkow, jolic wón społnijo k tomu trjebne wuměńjenja pó płašecem ředowanju.
3. Čłonki zwězkowego pšedsedařstwa směju se digitalnje na pósejženju wobžěliš.
4. Digitalne wobžělenje zapišo pšedsedař do lisćiny pšibytnosći.
5. Čłonk zwězkowego pšedsedařstwa, kótaryž co pósejženje docasnje wopušćís, musy to wjednikuju pósejženja k wěšći daš.
6. Pó artiklu 9, dyk 3 wustawkow Domowiny matej se jednař a zastupujucy jednař na pósejženjach zwězkowego pšedsedařstwa z póražujucym głosom wobžěliš. To same pšitrefijo za wjednicu RCW a jeje zastupnika, tematizěruju-li se kublańsko-politiske pšašanja. Medijowy powědař, referentka za nastupnosći kšywowego zwězka a referentka za gremijowe a ministerialne nastupnosći se tejerownosći na pósejženjach wobžěliju.

7. Předsedař rewizijnego wuběrka kaž teke předsedař wujadnańskego wuběrka matej pó artiklu 9, dypk 3 wustawkow Domowiny pšawo, se na wobradowanjach zwězkowego předsedařstwa z póražujucym głosom wobželiš.
8. Zastupnik Domowiny we FUEN-prezidiju ma pšawo, se z póražujucym głosom na pósejženjach zwězkowego předsedařstwa wobželiš.
9. K zjawnym pósejženjam ma kuždy zajmc pšistup. Zajmce pak njamaju pšawo, do jadanjow zapšimnuš abo wótběg pósejženja móliš.
10. Na njezjawnem žělu wobžěluju se člonki zwězkowego předsedařstwa, głowna jadona a jadona, referentka za nastupnosći kšywowego zwězka, referentka za gremijowe a ministraške nastupnosći ako teke protokolantka/protokolant ze zastojnstwa. Řědowanja § 7, dypk 13 nastupajuce předsudkownosći maju se dožaržaš. Jolic mašizna předwižonego dypka to pomina, směju se dalšne wósoby na njezjawny žěl pšepšosyš. Na njezjawnem žělu smějotej se teke předsedař rewizijnego wuběrka a předsedař wujadnańskego wuběrka wobželiš, gaž wó to pšosytej.

## § 6

### Wobželenje na diskusiji

1. Člonki zwězkowego předsedařstwa a prezidiuma, głowna jadona, jadona a wobželniki pó § 5 dypki 6 do 9 togo pórěda, ako teke pšepšosone gósci maju pšawo, se wugroniš, gaž jim wjednik pósejženja słowo pšepódajo. Kuždy diskutant smějo se jano dwójcy k samsnej nastupnosći wugroniš. Słowo se pó řeze pšizjawjenjow pšepódawa. Wó powědańskem pšawje njepšosonych gósci rozsužuju pósejžeński prezidium.
2. Člonk zwězkowego předsedařstwa, kótaryž co k jadonańskemu pórědoju powědaš, pšizjawijo to ze zwignjenim wobeju rukowu. Wón dostanjo pótom ned słowo.
3. Gdyž wugronijotej se pominanje abo naraženje za wótgłosowanje, smějotej zasadnje jaden člonk zwězkowego předsedařstwa za to a jaden pšesiwo tomu powědaš. Pótom se wótgłosuju.
4. Cas powědanja móžo se wót pósejžeńskego prezidiuma pó pótrjebnosći wobgranicowaš.  
Gaž se wěcej wó temje njepowěda, ma wjednik pósejženja pšawo, powědajucemu słowo wezeš.
5. Jadonański pórěd dowólijo člonkam zwězkowego předsedařstwa w běgu pósejženja slědujuce naraženja:
  - slědk daše nastupnosći do prezidiuma, do žěloweje kupki resp. do žěloweje wuběrka abo na Domowinske zastojnstwo, až by se předłoga k tomu pšigótowała resp. předlažeca předłoga se pšezěła,
  - wótsajženje nastupnosći z dnjowneje pórěda resp. pšestarcenje wobjadnanja,
  - wokolne wótgłosowanje pó pósejženju, gaž předlažy pšezěłane naraženje za wobzamknjenje,
  - zakóńcenje diskusije k nastupnosći,

- wótgłosowanje wó pśedłoze resp. wó naraženju k wobzamknjenju,
  - pšetergnjenje abo zakóncenje pósejženja,
  - wuzamknjenje zjawności,
  - pominanje za pótajnym wótgłosowanim abo za wótgłosowanim pó mjenju,
  - napšasowanje wěcywuznatych wósobow a
  - pšepódaše połnomócy k dokóńcnemu rozsudoju prezidiumoju, pšedsedarjeju abo Domowinskemu zastojnstwoju.
6. Čłonk zwězkowego pšedsedařstwa, kótaryž jo se k diskusiji pšizjawił a njejo zakóncenje diskusije dla wěcej słowo dostał, smějo swój pšinosk pisnje pšedsedarjeju pšepódaš. Pšinosk pšipołožyjo se protokoloju.
  7. Do wótgłosowanja wó pšedłogach a naraženjach za wobzamknjenje smějo kuždy čłonk zwězkowego pšedsedařstwa wósobinske wujasnjenje wótedaš. K tomu pšepódajo jomu wjednik pósejženja pó wótpowědnem pšizjawjenju słowo. Take wósobinske wujasnjenje smějo jano rownostajenje wopacnych wugronjenjow abo wótwoboranie wósobinskego nadpada wopšimješ.

## § 7

### Wótgłosowanja a wobzamknjenja

1. Pó artiklu 6, dypk 3 wustawkow Domowiny jo zwězkowe pšedsedařstwo wopšawnjone k wobzamknjenju, gaž jo wěcej ako połojca jogo čłonkow pšibytna.
2. Naraženje jo pšiwzete, gaž jo wětšyna pšibytnych za wótgłosowanje wopšawnjonych za naraženje głosowała, dalokož njejo to w toš tom pórěže abo we wustawkach hynac póstajone. Pši samskej libje głosow za abo pšešiwio naraženjeju jo naraženje wótpokazane.
3. Za wótgłosowanje dostanjo kuždy čłonk głosowańske kórtki (zelenu kartku z napismom “za namjet/za naraženje”, čerwjenu kartku z napismom “přečiwo namjetej/pšešiwio naraženju” a bělu kartku z napismom “so hłosa wzdam/se głosa zdžaržyjom”).
4. Wótedane glose digitalnje pšizamknjonych čłonkow zwěścijo wjednik pósejženja z pomocu wobrazowki. Za cas wótgłosowanja a wulicenia musy wósoba, kótaraž wótgłosujo, na wobrazowce wižeš byš. Jolic njejo wósoba wižeš abo njedajo se wótedany głos pširědowaš, se toš ten njelicy.
5. Naraženje k wobzamknjenju musy pisnje abo wustnje jasnje sformulěrowany byš, nježlic se wó njom wótgłosujo. Wó kuždem naraženju se jadnotliwje wótgłosujo. Gdyž pšedlažyjo wěcej naraženjow k wobzamknjenju, kótarež samsku nastupnosť wobjadnaju, wótgłosujo se nejperwej naraženje, kótarež pó wopšimješu nejžwěcej zaměroju wobzamknjenja wótpowědujo.

6. Signalizěrujo-li jadno člonkojske towaristwo z pisnym wobtwarženim w pšedpólu pósejženja k naraženju za wobzamknjenje mócnje wobmyslenja, ma se pšedsedařstwo toš toho towaristwa do wótgłosowanja słyšaš. Słyšanje pšedsedařstwa toš toho towaristwa se pšewježo w zwězkowem pšedsedařstwje.
7. Wótgłosujo se zasadnje zjawnje ze zwignjenim głosowańskeje kórtki.
8. Gdyž se to jaden člonk zwězkowego pšedsedařstwa pomina, pótom se pó mjenju abo pótajmnje wótgłosujo. Pšedlažytej wobej naraženi, pón se pótajmnje wótgłosujo. Pši wótgłosowanju pó mjenju pšedcytajo wjednik pósejženja mě wótpowědneho člonka zwězkowego pšedsedařstwa, kótaryž musy pótom groniš, lěc wón "za naraženje" abo "pšešiwu naraženju" głosujo resp. lěc se glosa zdžaržyjo. To se we wótpowědnej lisćinje dokumentěrujo a protokoloju pšidajo. Člonki zwězkowego pšedsedařstwa, kótarež njejsu wobzamknjenju pšigłosowali, směju se pominaš, až se to w protokolu naspomnjejo.
9. Pó artiklu 6, dypk 4 wustawkow Domowiny móžo zwězkowe pšedsedařstwo teke pó pisnej droze rozsudy twóriš. Wó tom ma zwězkowe pšedsedařstwo abo prezidium rozsuziš. Naraženje jo pšiwzete, gaž jo se nanejmjenjej počojca člonkow organa na wótgłosowanju wobžěliła a wětšyna do głosowanja wopšawnjonych z pšawom na głosowanje za naraženje głosowała, snažkuli wustawki něco drugego póstajaju.
10. Gaž se wuměnenja za płašece wobzamknjenja zasadnje změniju, móžo se wótpowědne pšašanje wótnowotki w zwězkowem pšedsedařstwje wobjadnaš. Pši tom ma se wó tom rozsuziš, lěc se do toho wótgłosowane wobzamknjenje slědk wzejo.
11. Wólby a personalne rozsudy pšewjedu se w pótajmnem wótgłosowanju. Smějo se zjawnje wóliš, gdyž njejo žeden člonk zwězkowego pšedsedařstwa pšešiwu tomu. Wólona jo zasadnje ta wósoba, kótaraž dostanjo wěcej ako počojcu glosow wšykných člonkow zwězkowego pšedsedařstwa. Pši wšakorakich mjenjach na jadnom wólbne lisćiku, su toš te wósoby wuzwólone, kótarež su pó rěže nejwěcej glosow dostali. Pši rowności glosow ma se pšewjasć dowuzwólowanje. Wólony jo pótom ten samy, kótaryž dojspijo w dowuzwólowanju wětšynu glosow.
12. Pótajmne, listowe wólby su móžne. Wó tom ma zwězkowe pšedsedařstwo abo prezidium rozsuziš.
13. Člonki zwězkowego pšedsedařstwa njesměju se pši wobjadnanju a wobzamknjenju nastupnosćow wobžěliš, gaž móžo jim wobzamknjenje wósobinski, jich swóježbnym resp. pšiwóježbnym přednego stopjenja abo institucijam, kótarež wóni juristiski zastupuju, njepośrednje lěpšyny abo njelejšyny pšinjasć. Pótrjefjony člonk zwězkowego pšedsedařstwa musy sam swóju pšedsudkownosć do wobjadnanja wótpowědneje nastupnosći pšizjawiš. Wón smějo se w paže zjawneho žěla pósejženja sednuš ku góscam, w paže njezjawneho žěla pak musy pósejžeńsku rumnosć wopušćiš.

Gdyž wobstoje cwiblowanja na pšedsudkownosći resp. njepšedsudkownosći, pótom rozsuzijo se w njepšibytnosći pótrjefjonego.

To samske płaši za wšykných dalšnych pšibytných abo digitalnje pšibytných.

## § 8

### Protokol zjawnego žěla pósejženja

1. Wó kuždym zjawnym pósejženju wužěłajo se protokol wobzamknjenjow. Ako pomocny srědk za protokolěrowanje zjawnego žěla pósejženja wužywa se nagrawański rěd.
2. Protokol zjawnego žěla dej wopšimješ:
  - termin, městno, zachopjeńk a kóńc wobradowanja,
  - mě wjednika / wjednikow zejženja,
  - pšibytnosć cłonkow a gósci,
  - dnjowny pórěd,
  - cysła a title wobjadnanych pšedłogow,
  - wobzamknjenja z formulaciju naraženja, z wuslědkom wótgłosowanja a z běžnym cysłom toś teje wólbneje doby,
  - nadawki, kótarež su se drugim gremiumam pšepódali,
  - wósobinske stojnišćo, gaž se to cłonk zwězkowego pšedsedařstwa pomina a
  - teksty rozpšawow ku glównym nastupnosćam ako dodank k protokoloju.
3. Cłonki zwězkowego pšedsedařstwa a jogo stawne gósci dostanu w běgu jadnogo tyženja pó pósejženju na digitalnem pušu nacerjenje protokola a směju k protokoloju pokazki abo korektury zapódaš. Doskóńcne nacerjenje pšepódajo se z pódlóžkami za pšiduce pósejženje.
4. Župany a pšedsedarje cłonkojskich towaristwow, kenž njejsu cłonk zwězkowego pšedsedařstwa, dostanu protokol k informaciji, jolic sebje to žyce. To samske płaši za pšedsedarja rewizijnego wuběrka a pšedsedarja wujadnańskego wuběrka.
5. Protokol a spońjenje wobzamknjenjow se kontrolěrujotej na pšiducem zjawnym wobradowanju zwězkowego pšedsedařstwa.

## § 9

### Protokol njezjawnego žěla

1. Wó kuždym njezjawnym pósejženju nažěłajo se wuslědkowy protokol. Ako pomocny srědk za protokolěrowanje njezjawnego žěla pósejženja smějo se nagraše wužywaš, kótarež ma se pó wobtwarženju protokola znicysć.
2. Wobzamknjenja njezjawnego žěla maju se ze separatnym běžnym cysłowanim protokolěrowaš ("n" pšed cysłom).
3. Wobstoj móžnosć, jadnotliwe wugronjenje pó słowje do protokola pšewzeš.

4. Člónkam wurownańskego wuběrka ma se na pominanje protokol pód doglědom w zastojnstwje spšistupniš.
5. Protokol njezjawneho žěla kontrolěrujo se na pšiducem pósejženju zwězkowego pšedsedařstwa.

## § 10

### Pšedłogi

1. Pšedłogi do zwězkowego pšedsedařstwa směju zapódaš:
  - prezidium,
  - pšedsedař a zastupujucy pšedsedař Domowiny,
  - člónki zwězkowego pšedsedařstwa,
  - žělowe wuběrki resp. žělowe kupki,
  - rewizijny a wurownański wuběrč Domowiny,
  - pšedsedařstwa člónkojskich župow a towaristwow, ako teke
  - zastojnstwo Domowiny a
  - Rěcny centrum WITAJ.
2. Pšedłogi se wužěłaju, gaž se zwěsćijo trjebnosć wobjadnanja wótpowědneho pšašanja wót boka wólonych gremijow kšywoweho zwězka, pšedsedařstwow člónkojskich župow a towaristwow abo teke zastojnstwa Domowiny, gdyž zwězkowe pšedsedařstwo wótpowědny nadawk wobzamkńjo abo pósejžeńskej plana zwězkowego pšedsedařstwa to pšedwiži.
3. Pšedłogi dejali se zasadnje prezidiumoju k pšedwobjadnanju pšepódaš, aby mógał zwězkowemu pšedsedařstwoju dopórućenje k dokóńcnemu wobjadnanju pšedłogow pšepódaš. Referentka za nutšikowne nastupnosći Domowiny rědujo, numerěrujo spšistupnijo resp. wózjawijo pšedłogi we wótgłosowanju z prezidiumom.
4. Za pšigótowanje pšedłogow ma se wósebny formular wužywaš (glej dodank). Kužda pšedłoga dostanjo swójo cysto (běžne cysto + licba lěta). Pšedłogi, kenž se rozsužuju w prezidiumje na zakłaže § 6, dypka 5, smužki 10 abo § 12, dypkow 2, 4 abo 5 togo jednańskego pórěda, maju pšed běžnym cystom pšidank "P". Pšedłogi, kótarež se w zwězkowem pšedsedařstwje dokóńcnje wobjadnaju a schwaliju, maju pšidank "ZP". Wobej družynje pšedłogow se separatnje licytej a składujotej. Wobtwarženje za naraženje k wobzamkńenju pódajo se we wótpowědujucem pšidanku.
5. W pšedłogach, kenž služe jano informaciji, zapišo se do rubriki "Naraženje za wobzamkńenje " pasus, až se informacija k wěsći wzejo.
6. Financne wustatkowanja wobzamkńenjow maju se pomjenjowaš a zastojnstwo Domowiny dejało financěrujobnosć do jadnanja w prezidiumje pšespytowaš a z



pódpismom głowneje jadnaŕki, jadnarja abo referenta za góspodaŕske a infrastrukturelne nastupnosći wobtwaržiš.

7. Gaž se w běgu jadnanjow zwězkowego pśedsedaŕstwa wóthylajuće naraženje k wobzamknjenju formulěruju, pón pišo se nowa formulacija do pśeglěda pśedłogow.

## § 11

### Wutwórjenje žělowych wuběrkow

1. Zwězkowe pśedsedaŕstwo abo prezidium wutwórijotej pó pótrjebje k analytiskemu a koncepcionelnemu wobžělanju nastupnosćow žělowe wuběrki. Kuždy wuběrk deŕa z nanejmnjej 5 čłonkow wobstojaš, wětšyna z nich deŕa bys čłonk zwězkowego pśedsedaŕstwa.  
Póstajijo se zestajenje a wjednik žělowego wuběrka, jogo zastupnik, pó wopśimješu pśisłušajucy zagronity zastojnstwa, wopśimješowe zaměry žělabnosći a doba statkowanja.
2. Wuběrki maju pšawo, stajiš na prezidium pšosbu wó juristiske póražowanje.
3. Za wótběg pósejženjow žělowych wuběrkow plaše w zasaže póstajenja jadnaŕskego póřěda zwězkowego pśedsedaŕstwa wótpowědnje. Wobradowanja wuběrkow su zasadnje njezjawne. Wuwzeša su móžne. Čłonkam zwězkowego pśedsedaŕstwa a prezidiuma jo pśistup kuždy cas móžny.
4. Protokole wobradowanjow žělowych wuběrkow dostanu mimo čłonkow wuběrka teke čłonki prezidiuma. Čłonki zwězkowego pśedsedaŕstwa směju se protokole pominaš.
5. Ako čłonki žělowych wuběrkow mógu se mimo čłonkow zwězkowego pśedsedaŕstwa a prezidiuma dalšne zastupniki župow a towaristwow ako teke fachniki pówołaš. Wóni pódlaže samskemu řědowanju dowěrnosći ako čłonki zwězkowego pśedsedaŕstwa.
6. Wuběrki rozpšawiju zwězkowemu pśedsedaŕstwoju abo prezidiumoju pšawidłownje wó rezultatach a žělabnosći swójogo statkowanja a pśedpołožyju wótpowědne naraženja ako pśedłogi k wobjadnanju a schwalenju.
7. Pśedsedarje wuběrkow směju na zakłaže napšašowanjow medijow abo pó swójskem rozsuže čłonkow wuběrkow zjawnosć k tematiskim šěžyšćam njezjawnych pósejženjow wuběrkow informěrowaš. Pši tom deŕ se na to glědaš, až deŕ se jednaš wó powšykne informacije žělabnosći wuběrkow, nic pak wó nacerjenja, kenž muse zwězkowe pśedsedaŕstwo dodiskutěrowaš a wobzamknuš.

## § 12

### Prezidium

1. Pó artiklu 10 wustawkow Domowiny slúšaju do prezidiuma pśedsedař Domowiny, jogo zastupnika a dalšnej člonka zwězkowego pśedsedařstwa, kótarejuž na naraženje pśedsedařa zwězkowe pśedsedařstwo pówołajo.
2. Pó artiklu 10 dypka 3 a 4 wustawkow Domowiny póstajijo zwězkowe pśedsedařstwo slědujuce zagronitosći prezidiuma:
  - a. pśigótowaš pó wopśimješu pósejženja zwězkowego pśedsedařstwa,
  - b. póražowaš zwězkowe pśedsedařstwo we wopśimješowych a wažnych organizatoriskich pšašanjach a k tomu pśedpołožys trjebne pśedłogi,
  - c. póražowaš pśedsedařa Domowiny w jogo běžnem žěle,
  - d. wutwórís w nadawku zwězkowego pśedsedařstwa nachylne žěłowe kupki resp. wuběrki a jich žělo koordiněrowaš,
  - e. póražowaš pśedsedařa a jadnařstwo pśi koordinaciji běžneje žěłabnosći zastojnstwa Domowiny a Rěcneho centruma WITAJ a pśiwzeš k tomu trjebne informacije,
  - f. pśigótowaš głowne zgromažiny Domowiny a nawjedowaš wužěłanje rozpšawy wó zwopšawdnjenju nadawkow žěłowych směrnicow zwězkowego pśedsedařstwa a
  - g. rozsuzís wó slědujucych pšašanjach:
    - chwatnje trjebne stojnišća Domowiny k nacerjenjam pšawniskich pśedpisow a k aktualnym pšašanjam,
    - stojnišća Domowiny k pśedewzešam regionalnego planowanja,
    - delegěrowanje kulturnych kupkow w nadawku Domowiny, projekty kulturneje wuměny a službne jězby cesnoamtskich zastupnikow Domowiny do wukraja,
    - koncepty za wrošenicy a jubileje,
    - napšawy w zwisku z wobgospodarjenim imobilijow Domowiny,
    - nadawki k pšawniskemu póražowanjeju Domowiny,
    - kónčna redakcija stojniščow, rezolucijow, , brošurkow, memorandumow a pódobnych wózwjawnjenjow Domowiny, kótarež se w zjawnosći rozšyriju,
    - wobžěłenje Domowiny pśi projektach drugich nosarjow,
    - koncepty za wopomnjeńske dny,
    - z běžneje žěłabnosći kšywowego zwězka wótwóžone nadawki za žěłowe wuběrki zwězkowego pśedsedařstwa.
3. Zwězkowe pśedsedařstwo informěrujo se na kuždym pósejženju wó žěłabnosći prezidiuma a dostanjo pisny pśeglěd rozsudow pósejženjow prezidiuma z pódložkami za swóje pśiduce pósejženje.
4. Pósejženja prezidiuma su zasadnje njezjawne. Člonki zwězkowego pśedsedařstwa směju se na pósejženjach wobžěliš. Člonki zwězkowego pśedsedařstwa maju pšawo, prezidiumoju naraženja za wobjadnanje nastupnosćow zapódaš.
5. Žěłabnosć prezidiuma řědujo wósebny jadnařski pórěd, kenž wobzamknjo zwězkowe pśedsedařstwo.

## § 13

### Winowatosći cłonkow zwězkowego pśedsedařstwa

1. Mimo aktiwneho wobželenja na pósejženjach zwězkowego pśedsedařstwa ma cłonk zwězkowego pśedsedařstwa wósebne winowatosći napšešiwu župje resp. towaristwoju, kótaraž/kótarež jo jogo za wólby do zwězkowego pśedsedařstwa nominěrowała/o. Wón/wóna ma pśedsedařstwo župy resp. towaristwa pšawidlownje wó swójom statkowanju informěrowaš, pśedłogi w pśedpólu pósejženjow z nimi diskutěrowaš, wobzamknjenja zwězkowego pśedsedařstwa rozkładowaš a jich pśesajženje pódpěrowaš.
2. Wobzamknjenja su za kuždego cłonka zwězkowego pśedsedařstwa jadnak zwězujuce. Žeden cłonk zwězkowego pśedsedařstwa njama pó wotumje wětšiny gremija pšawo, pśesajženje wobzamknjenjow blokěrowaš a napšešiwne aktiwity pšewjasć.
3. Gaž zwězkowe pśedsedařstwo póstajijo, až njesmějo se wó wěstych pšašanjach zjawnje informěrowaš, ma kuždy cłonk gremija winowatosć k mjelcanju. Toš ta winowatosć wobstoj až do wulichowanja na zaklaže rozsuda zwězkowego pśedsedařstwa.  
Winowatosć k mjelcanju pak płaši bžeze wobgranicowanja za personalne daty.
4. Kuždy cłonk zwězkowego pśedsedařstwa jo k aktiwnemu zjawnostnemu žěloju napominany.

## § 14

### Zjawnostne žěło

1. Zjawnosć a žurnalisty pšepšosuju se z casnikařskim wózjawjenim a z inseratom na zjawne wobradowanja zwězkowego pśedsedařstwa.
2. Dnjowny pórěd zjawneho žěła wózjawijo se nejpóźdzej 3 žělowych dny do pósejženja w serbskej a nimskej rěcy w interneše.
3. Pódložki zjawneho žěła pósejženja wózjawiju se w zapódanej rěcy tejerownosći nejpóźdzej 3 žělowych dny do pósejženja na internetowej stronje Domowiny. Z toho wuwzetej stej rozpšawa pśedsedařa a rozpšawa prezidiuma Domowiny. Wó dalšnych wuwzešach smějotej zwězkowe pśedsedařstwo a prezidium rozsuziš.
4. Wobzamknjenja zjawneho žěła pósejženjow zwězkowego pśedsedařstwa dejali se w běgu jadnogo tyženja na internetnych bokach Domowiny wózjawiš.
5. Pó pósejženju zgótujo medijowy powědař medijowe wózjawjenje wó glownych šěžyšćach a wuslědkach zejženja.  
Pó wótgłosowanju z jadnym cłonkom prezidiuma pśsrědnja se wóne redakcijam, cłonkam zwězkowego pśedsedařstwa a dalšnym zajmowanym adresatam.

Zrazom ma se wóno na internetowej stronje Domowiny wózwawís.

6. Rozsudny internego resp. dowěrliwego charaktera, kótarež njesměju se wózwawís, se na pósejženju konkretnje pomjenjuju.

Dalokož se w toś tom jadnańskem póřeže funkcije a pomjenjowanja pó muskecem a žeńskecem rože wopisuju, měni se z tym rownogódnje žeńskecy a muskecy rod.

*Jadnański póřed zwězkowego pšedsedařstwa za wólbnu dobu 2021-2025 schwalijo se na pósejženju zwězkowego pšedsedařstwa dnja 12.04.2024 a z tym nabywa płašiwosć.*

Příloha 1 – předloha**DOMOWINA****Předloha č. ZP .../...****za ... (rjadne) posedženje Zwjazkowneho předsydstwa Domowiny dnja ... w ...****Zapodačel/-ka předlohi:****Awtor/-ka předlohi:****Nastupa (předmjet wuradźowanja):**Slěd wobjednanja předmjeta předlohi:

gremij resp. organ Domowiny	datum	wuslědk wuradźowanja resp. doporučenje

**Namjet za wobzamknjenje:****Zwjazkowe předsydstwo Domowiny wobzamknje:****Tekst wobzamknjenja.**

datum:

.....  
podpismo zapodačelaFinancne wuskutki wobzamknjenja: zjimanje/wopisowanje financnych wuskutkowFinancujomnosć je so pruwowała: (datum a podpismo jednačelstwa, resp. referenta)Wuslědk wothłosowanja:

za namjet:

přećiwu namjetej:

hłosawzdače/a:



# DOMOWINA

**Předłoga cysło ZP .../.....**  
**za ... (pórědne) pósejženje Zwězkowego předsedarstwa Domowiny**  
**dnja ..... w .....**

---

**Zapódař předłogi:**

**Awtor předłogi:**

**Nastupnosť (předmjat wobradowanja):**

Slěd wobjadnanja předmjata předłogi:

gremij resp. organ Domowiny	datu m	wuslědk wobradowanja resp. dopóručenje

**Naraženje za wobzamknjenje:**

**Zwězkowe předsedarstwo Domowiny wobzamknjo:**

datum:

.....  
pódpismo zapódarja

Financne wustatkowanja wobzamknjenja:

Financujobnosť jo se pšepytowała: (datum a pódpismo referenta resp. jadnarja)

Wuslědk wótgłosowanja:

za naraženje:

pšešiwu naraženju:

głosa zdžaržanje/-i/-a::

## Příloha 2 – časowe doby gremijow



DOMOWINA

## Rědowanja w jadnańskim pórědoma Zwězkowego pśedsedařstwa Domowiny a jogo prezidiuma nastupajuce casowe doby

Čas	Naprawa	Žórto
7 dnjow do pósejženja P	Pódložki maju se do posta daś.	
5 dnjow do pósejženja P	Pódložki maju člónkam P pśedlažaś.	§ 5 (10) JP-P
9 dnjow do pósejženja ZP	Pódložki maju se do posta daś.	
7 dnjow do pósejženja ZP	Pódložki maju člónkam ZP pśedlažaś.	§ 3 (10) JP-ZP
	Pódložki se člónkam ZP pšez cloud k dispoziciji stajaju.	§ 3 (10) JP-ZP
tyžeń do pósejženja ZP	Informacije medijam wó zjawnem žělu pósejženja.	§ 3 (1) JP-ZP
až do 3 žělowych dnjow do pósejženja ZP	Móžnosć za člónki ZP, temy za "aktualnu debatu " zapódaś.	§ 3 (5) JP-ZP
až do 3 dnjow do pósejženja ZP	Dnjowny pórěd pósejženja ZP se serbski a nimski w interneše wózwajijo.	§ 14 (2) JP-ZP
	Pódložki zjawneho žěla pósejženja wózwajiju se na internetowem boce Domowiny. Z toho wuwzetej stej rozpšawa pśedsedarja a rozpšawa prezidiuma Domowiny.	§ 14 (3) JP-ZP
až do 3 góžin do pósejženja	ZP ma se link k pósejženju pósrědnić..	§ 3 (16) JP-ZP
do pósejženja	Člónki ZP maju zastojnstwo Domowiny abo pśedsedarja wó zajžowanju informěrowaś.	§ 5 (1) JP-ZP
	Člónki ZP maju digitalne wobžělenje pšizjawiś.	§ 5 (3) JP-ZP
<b>Pósejženje zwězkowego pśedsedařstwa</b>		
do schwalenja dnjownego pórěda	Člónk ZP smějo pšosbu wó wuzamknjenje zjawnosći pši wobjadnanju wěstego dypka dnjownego pórěda stajić.	§ 3 (6) JP-ZP
pó pósejženju	Medijowy powědař wugótujo medijowe wózwajjenje wó glownych šěžyšćach a wuslědkach zejženja. (pósrědnjenje z mejlku a na internetowem boku)	§ 14 (5) JP-ZP
tyžeń pó pósejženju	Protokol se člónkam ZP a góscam zjawneho žěla digitalnje pósrědnijo.	§ 8 (3) JP-ZP
	Wobzamknjenja zjawneho žěla pósejženja maju se na internetowych bokach wózwajajiś.	§ 14 (4) JP-ZP
lěto pó pósejženju	Nanejmenjej lěto musy livestream pšistupny byś.	§ 3 (1) JP-ZP